

中国古典精华文库

金漳兰谱

(宋)赵时庚 著

目 录 · 1 ·

目录

序	01
叙兰容质第一	
品兰高下第二	
天下养爱第三	
坚性封植第四	
灌溉得宜第五	

金 漳 兰 谱 .1.

序

予大父朝议彦自南康解印还里,卜居筑茅,引泉植竹,因以为亭,会宴乎其间。得郡侯傅上伯成名其亭,曰 世界。又以其间架数椽,自号赵翁书院。回峰面势,依山叠石,尽植花木,丛杂其间,繁阴布地,环列兰花,掩映左右,以为游憩养疴之地。予时尚少,於其中尤好其花之香艳清馥者,目不能舍,手不能释,即询其名,默而识之。是以酷爱之,殆几成癖,粤自嘉定改元以后,又闻数品高出於向时所植者,予喜而求之,故尽得其花之容质。无失封培爱养者之法,而品第之,始今三十年矣。然未尝与达者道,暇日有朋友过予,会诗琴棋之后,倏然而问之,予则曰:"有是心矣。"即缕缕为之详言,友曰:"吁!亦开发后觉之一端也,岂如一身可得而私,何不示诸人以广传耶?"予不得辞,因集为一卷,名曰《金漳兰谱》,欲以续前人牡丹荔枝谱之意云尔。时绍定癸已六月良日澹斋赵时庚撰书

金 漳 兰 谱 .2.

叙兰容质第一

陈梦良 色紫,每干十二萼,花头极大,为众花之魁。至若朝晖微烘,晓露暗湿,则灼然腾秀,亭然露奇,敛肤傍干,团圆四向,婉媚娇绰,伫立凝思,如不胜情。花三片,尾如带彻,青叶三尺,颇觉弱,黯然而绿。背虽似剑,脊至尾棱,则软薄斜撒,粒许带缁,最为难种,故人希得其真。

吴兰 色深紫,有十五萼,干紫荚红,得所养则歧而生,至有二十萼,花头差大,色映人目,如翔鸾翥凤,千态万状,叶则高大刚毅,劲节苍然可爱。

潘花 色深紫,有十五萼,干紫,圆匝齐整,疏密得宜,疏不露干,密不簇枝。绰约作态,窈窕逞姿,真所谓艳中之艳,花中之花也。视之愈久,愈见精神。使人不能舍去,花中近心所,色如吴紫,艳丽过於众花,叶则差小於吴,峭直雄健,众莫能及,其色特深。

仙霞 乃潘氏西山於仙霞岭得之,故更以为名。

赵十四 色紫,有十五萼,初萌甚红,开时若晚霞映日, 色更晶明。叶深红者,合於沙土,则劲直肥耸,超出群品,亦 云赵师博,盖其名也。

何兰 紫色中红,有十四萼,花头倒压,亦不甚绿。 品外之奇

金棱边 色深紫,有十二萼,出於长泰陈家,色如吴花,

片则差小,干亦如之,叶亦劲健,所可贵者,叶自尖处分,二边各一线许,直下至叶中处,色映日如金线,其家宝之,犹未广也。

白兰甲

济老 色白,有十二萼,标致不凡,如淡妆西子,素裳缟衣,不染一尘。叶似施花,更能高一二寸,得所养,则歧而生,亦号一线红。

灶山 有十五萼,色如碧玉,花开体肤松美, 昂昂,雅特闲丽,真兰中之魁品也。每生并蒂花,干最碧,叶绿而瘦薄,开生子蒂,如苦荬菜叶相似,俗呼为绿衣郎。

黄殿讲 号为碧玉干西施,花色微黄,有十五萼,合并干而生,计一十五萼。或送於根,美则美矣,每根有萎叶朵朵不起。细叶最绿、肥厚。花头似开不开,干虽高而实瘦,叶虽劲而实柔,亦花中之上品也。

李通判 色白,十五萼,峭特雅淡,追风 露,如泣如诉, 人爱之,或类郑花,则减一头地位。

叶大施 花剑脊最长,真花中之上品,惜乎不甚劲直。

惠知客 色白,有十五萼,赋质清癯,团簇齐整,或向背娇柔瘦润,花英深紫,片尾凝黄,叶虽绿茂,细而观之,但亦柔弱。

马大同 色碧而绿,有十二萼,花头微大,间有向上者,中多红晕,叶则高耸,苍然肥厚,花干劲直,及其叶之半,亦 名五晕丝,上品之下。

郑少举 色白,有十四萼,莹然孤洁,极为可爱,叶则修长而瘦散乱,所谓蓬头少举也。亦有数种,只是花有多少叶有软硬之别,白中能生花者,无出於此,其花之资质可爱,为百花之翘楚。

黄八兄 色白,有十二萼,善於抽干,颇似郑花,惜乎干弱,不能支持,叶绿而直。

周染 花色白,十二萼,与郑花无异,但干短弱耳。 夕阳红 花有八萼,花片凝尖,色则凝红,如夕阳返照。

观堂主 花白,有七萼,花聚如簇,叶不甚高,可供妇女时妆。

名弟 色白,有五六萼,花似郑,叶最柔软,如新长叶,则旧叶随换,人多不种。

弱脚 只是独头兰,色绿,花大如麻醉爪,一干一花,高二三寸,叶瘦长二三尺,入腊方花,薰馥可爱而香有余。

鱼 兰 十二萼,花片澄澈,宛如鱼 ,采而沉之水中,无影可指,叶颇劲绿,此白兰之奇品也。

金 漳 兰 谱 .5 .

品兰高下第二

余尝谓天下凡几山川,而支派源委於人迹所不至之地。其 间山坳石潭,斜谷幽窦,又不知其几何多,迈古之修竹,矗天 之危木,云烟覆护,溪涧盘旋,万萝蔽道,阳晖不烛,冷然泉 声,磊乎万状, 是圯之异,则所产之多,人贱之蔑如也。倏 然轻采於樵牧之手而见骇然, 识者从而得之,则必携持登高冈、 涉长途, 欣然不惮其劳, 中心之所好者, 不能以集凝而置之也。 其地近城百里,浅小去处,亦有数品可取,何必求诸深山穷谷 ?每论及此,往往启识者虽有不韪之诮,毋乃地迩而气殊,叶 萎而花蠹,或不能得培植之三昧者耶!是故花有深紫,有浅紫, 有深红,有浅红,与夫黄白绿碧鱼 金棱边等品,是必各因 其地气之所锺而然。意亦随其本质而产之耶,抑其皇穹储精, 景星庆云,随光遇物而流形者也。噫!万物之殊,亦天地造化 施生之功,岂予可得而轻议哉?窃尝私合品第而数之,以谓花 有多寡,叶有强弱,此固因其所赋而然也。当惟人力不到,则 多者从而弱之,弱者又从而弱之,使夫人何以知兰之高下?其 不识破人者几希。呜呼! 兰不能自异而人愧之耳, 故必执一定 之见。物品藻之,则有淡然之性,在况人均一心,心均一见, 眼力所至,非可诬也,故紫花以陈梦良为甲,吴潘为上品,中 品则赵十四何兰大张青蒲统领陈八斜淳监粮,下品则许景初石 门红小张青萧仲和何首座林仲孔庄观成外,则金棱边为紫花奇

金 漳 兰 谱 . . 6 . .

品之冠也,白花则济老灶山施花李通判惠知客马大同为上品,所谓郑少举黄八兄周染为次,下品夕阳红云峤朱花观堂主青蒲名弟弱脚王小娘者也。赵花又为品外之奇。

金 漳 兰 谱 .7.

天下养爱第三

天不言而四时行,百物生者何?盖岁分四时,生六气,合 四时而言之,则二十四气以成其岁功。故凡穹壤者皆物也,不 以草木之微、昆虫之细而必欲各遂其性者,则在乎人,因以气 候而生全之者也,被动植者,非其恩乎?及草木者,非其人乎 ?斧斤以时入山林,数罟不入污池,又非其能全之者平?夫春 为青帝,回驭阳气,风和日暖,蛰雷一震,而土脉融畅,万汇 < + 聚>生,其气则有不可得而掩者,是以圣人之仁,则顺天地 以养万物,必欲使万物得遂其本性而后已,故作台太高则冲阳, 太低则隐风,前宜面南,后宜背北,盖欲通南薰而障北吹也。 地不必旷,旷则有日,亦不可狭,狭则蔽气。右宜近林,左宜 近野, 欲引东日而被西阳。夏遇炎烈则荫之, 冬逢冱寒则曝之, 下沙欲疏,疏则连雨不能淫。上沙欲濡,濡则酷日不能燥。至 於捶引叶之架,平护根之沙,防蚯蚓之伤,禁蝼蚁之穴,去其 莠草,除其丝网,助其新篦,剪其败叶,此则爱养之法也。其 余一切窠虫族类,皆能蠹害,并可除之,所以封植灌溉之法, 详载於后。

金 漳 兰 谱 . 8 .

坚性封植第四

草木之生长,亦犹人焉,何则?人亦天地之物耳。闲居暇 日,优游逸豫,饮膳得宜,以兰而言之,且一盆盈满,自非六 七载莫能至此。皆由夫爱养之念不替,灌溉之功愈久,故根与 壤合,然后森郁雄健,敷畅繁丽其叶。盖有得於自然而然者, 合焉欲分而拆之,是裂其根ぼ,易其沙土,况或灌溉之失时, 爱养之乖宜,又何异於人之饥饱,则燥湿干之,邪气乘间,入 其荣卫,则不免侵损,所谓向之寒暑适宜肥瘦得时者,此岂一 朝一夕之所能仍旧者也?故必於寒露之后立冬以前而分之,盖 取万物得归根之时,而其叶则苍,根则老,故也。或者於此时 分一盆吴兰, 吝其盆之端正,则不忍击碎, 因剔出而根已伤, 暨三年培植尤至困,予今深以为戒,欲分其兰而须用碎其盆, 务在轻手击之,亦须缓缓解拆其交互之根,勿使有拔断之失, 然后逐篦<++聚>取出积年腐芦头,只存三年者,每三篦作一盆, 盆底先用沙填之,即以三篦<++聚>之,互相枕籍,使新篦在外, 作三方向, 却随其花之好肥瘦沙土从而种之。盆面则以少许瘦 沙覆之,以新汲水一勺以定其根。更有收沙晒之法,此乃又分 兰之至要者, 当预於未分前半月取土筛去瓦砾之类, 曝令乾燥, 或欲适肥,则宜於淤泥,沙可用,使粪夹和晒之。俟乾或复湿, 如此十度,视其极燥,更须节过随意用,盖沙乃久年流聚杂居 阴湿之地,而兰之骤尔分拆失性,假以阳物助之,则来年<++聚> 金 漳 兰 谱

篦自长尔。与旧叶比肩,此其效也。夫苟不知收晒之宜,用 彼积掩之沙,或惮披曝,必至羸弱而黄叶者有之,篦之不发者 有之,积有日月,不知体察,其失愈甚,候其已觉,方始涤根 易沙,加意调护,冀其能复,不亦后乎,抑岂知其果能复焉? 如其稍可全活,有几何时,后而获遂本质邪?故为深爱者言之 曰:"与其於既损之后而欲复全生意,何若於未分之前而必欲 全其生意,岂不省力?"今逐品所宜沙土间列於后。

陈梦良,用黄净无泥瘦沙种,而忌用肥,恐有腐烂之失。 吴兰、潘兰,用赤沙泥。

何兰、蒲统领、大张青、金棱边,各用黄色粗沙和泥,更添些少赤沙泥为妙。

陈八斜、淳监粮、萧仲弘、许景初、何首座、林仲礼、庄 观成,乃下品,任意用沙。

济老、施花、惠知客、马大同、郑少举、黄八兄、周染, 宜沟壑中黑沙泥,和粪壤种之。

李通判、灶山、郑伯善、鱼 ,用山下流聚沙泥种之。 夕阳红,以下诸品,则任意栽种,此封植之概论也。

灌溉得宜第五

夫兰自沙土出者,各有品类,然亦因其土地之宜而生长之。故地有肥瘦,或沙黄土赤而瘠,有居山之巅,山之岗,或近水,或附石,各依而产之,要在度其本性何如尔?不可不谓其无肥瘦也。苟性不能则白,何者当肥,何者当瘦,强出己见,混而肥之,则好膏腴者因得所养之法,花则转而繁,叶则雄而健。所谓好瘦者,不因肥而腐败,吾未之信也。一阳生於子,ぼ甲潜萌,我则注而灌溉之,使蕴诸中者稍获强壮,迨夫萌英进沙,高未及寸许,从便灌之,则戢然而卓簪,暨南薰之时,长养万物,又从而渍润之,则修然而高,郁然而苍苍者,精於感遇者也。秋八月之交,骄阳方炽,根叶失水,欲老而黄,此时当以濯鱼肉水或秽腐水浇之。过时之外,合用之物,随宜浇注,使之畅茂,亦以防秋风肃杀之患。故其叶弱拳拳然,抽至出冬至而极,夫分兰之次年不发花者,盖恐泄其气,则叶不长尔。凡善於养花,切须爱其叶,叶耸,则不虑其花不发也。

紫花

陈梦良极难爱养,稍肥随即腐烂,贵用清水浇灌则佳也。 潘兰虽未能受肥,须以茶清沃之,冀得其本生地土之性。 吴花看来亦好肥,种当灌溉,以一月一度。 越花何兰大张青蒲统领金棱边,半月一用其肥则可。 淳监粮萧仲和许景初何首座林仲礼庄观成,纵有太过不及 之失,亦无大害。於用肥之时,当时沙土乾燥,遇晚方始灌溉,候晓以清水碗许浇之,使肥腻之物,得以下积其根,广新来未发篦,自无勾蔓逆上散乱盘盆之患,更能预以瓮钢之属,储蓄雨水,积久色绿者,间或灌之,而其叶则勃然挺秀,濯然而争茂,盈台簇槛,列翠罗青,纵无花开,亦见雅洁。

白花

济老施花惠知客马大同郑少举黄八兄周染爱肥,一任灌溉。 李通判灶山郑伯善肥,在六之中,四之下,又朱兰亦如之。 鱼 兰质颇莹洁,不须以秽腻之物浇之。

夕阳红云峤青蒲观堂主名弟弱脚,肥瘦任意,亦当观其沙土之燥,晚则灌注,晓则清水浇之,储蓄雨水沃之,令其色绿为妙。

惠知客等兰,用河沙嵌去泥尘,夹粪盖泥种,底用粗沙和 粪方妙。

郑少举用粪盖泥和便晒乾种之,上面用红泥覆之。

灶山用粪壤泥及河沙,内用草鞋屑铺四围种之,累试甚佳, 大凡用轻松泥皆可。济老施花用粪及小便浇,泥摊晒,用草鞋 屑围种。